

Broj: 0101- 12281/25

Sarajevo, 11. 12. 2025. godine

TRAIN Program se na Univerzitetu u Sarajevu uspješno realizuje od septembra 2013. godine. Finansijsku podršku realizaciji Programa obezbijedila je Fondacija kralja Baudouina, dok je Univerzitet u Sarajevu preuzeo njegovo finansiranje od 2018. godine. Kurikulumi pojedinačnih modula Programa inicijalno su razvijeni u saradnji sa EU partnerima, te naknadno unaprijeđeni u skladu sa BiH kontekstom visokog obrazovanja sa osvrtom na specifičnosti oblasti koje se tretiraju.

Polaznici ovog Programa kroz ponudu od devet modula dopunjuju znanja i vještine iz tri oblasti važnih za cjeloživotno učenje i usavršavanje akademskog osoblja: 1. Nastavničke kompetencije kako bi svaka organizacija unutar univerziteta postala organizacijom koja uči, 2. Metodološke kompetencije u kontekstu novih zahtjeva za vještinama projektiranja istraživanja na zajedničkom prostoru europskog visokog obrazovanja i 3. Preduzetničke kompetencije koje svaku organizaciju visokog obrazovanja pretvaraju u privrednog subjekta spremnog za samoodrživost.

U skladu sa planom realizacije programa, Univerzitet u Sarajevu raspisuje

INTERNI POZIV

za učešće u TRAIN programu u prvom ciklusu u akademskoj 2025/2026. godini

Pravo učešća ima akademsko osoblje Univerziteta u Sarajevu u saradničkim/nastavničkim zvanjima. Nakon uspješno absolviranog Programa Univerzitet u Sarajevu učesnicima izdaje sertifikat, koji ujedno služi i kao dokaz o minimumu pedagoškog obrazovanja kandidata.

Na nivou programa dodjeljuje se 6 ECTS bodova.

Organizacija programa

- TRAIN program se u toku akademske 2025/2026. godine održava dva puta (prvi ciklus: januar/februar, drugi ciklus: juni/juli),
- U toku je prijava za prvi ciklus (januar/februar),
- Broj učesnika jednog ciklusa ograničen je na 25.

Obavezni moduli

1. Osnove andragoške djelatnosti u visokom obrazovanju,
2. Didaktika visokog obrazovanja,
3. Planiranje kurikuluma u visokom obrazovanju,
4. Istraživanje, naučno pisanje i publiciranje naučnoistraživačkih/umjetničkoistraživačkih rezultata,

- a. humanističke i društvene nauke
- b. prirodne, tehničke i medicinske nauke

Izborni moduli

1. Komunikacija i vještine prezentiranja,
2. Priprema aplikacija za finansiranje i upravljanje projektnim ciklusom,
3. Preduzetničke sposobnosti u visokom obrazovanju,
4. Umrežavanje i timski rad,
5. Osnovna polazišta inkluzivnog obrazovanja u visokoškolskoj nastavi.

Napomene:

- svi moduli su dvodnevni;
- moduli se realizuju u periodu od 8:30 – 16:00;
- od ponuđenih izbornih modula učesnik bira dva;
- poželjno je znanje engleskog jezika.

Prijava učešća

Ukoliko ste zainteresirani da pohađate TRAIN program u okviru prvog ciklusa, potrebno je da ispunite obrazac za prijavu, koji ćete zajedno sa svojom kraćom verzijom biografije dostaviti na e-mail adresu train@uns.ba Kontakt osoba je administrativna voditeljica TRAIN Programa, mr. sc. Jasmina Gradašćević-Pleh. Rok za podnošenje prijave za učešće u TRAIN programu je **12. 1. 2026. godine.**

Pregled termina modula TRAIN programa u okviru prvog ciklusa u akademskoj 2025/2026. godini.

Modul	Datum	Mjesto
8 Osnove andragoške djelatnosti u visokom obrazovanju	20 – 21. 1. 2026.	Centar za interdisciplinarne studije Univerziteta u Sarajevu – prof. dr. Zdravko Grebo (CIS)
1a Istraživanje, naučno pisanje i publiciranje naučnoistraživačkih/umjetničkoistraživačkih rezultata (društvene i humanističke nauke)	22 – 23. 1. 2026.	
1b Istraživanje, naučno pisanje i publiciranje naučnoistraživačkih/umjetničkoistraživačkih rezultata (tehničke, prirodne i medicinske nauke)	22 – 23. 1. 2026.	
5 Preduzetničke sposobnosti u visokom obrazovanju (izborni modul)	26 – 27. 1. 2026.	
2 Didaktika visokog obrazovanja	29 – 30.1. 2026.	
7 Planiranje kurikuluma u visokom obrazovanju	2 – 3. 2. 2026.	
4 Komunikacija i vještine prezentiranja (izborni modul)	5 – 6. 2. 2026.	
9 Osnovna polazišta inkluzivnog obrazovanja u visokoškolskoj nastavi (izborni modul)	9 – 10. 2. 2026.	
6 Umrežavanje i timski rad (izborni modul)	12 – 13. 2. 2026.	
3 Priprema aplikacija za finansiranje i upravljanje projektnim ciklusom (izborni modul)	16 – 17. 2. 2026.	